

জেলাশাসক ও সমাহর্তার করণ
জেলা প্রকল্প আধিকারিক (সুসংহত শিশু বিকাশ
বিভাগ), মুর্শিদাবাদ

এতদ্বারা সর্বসাধারণের অবগতির জন্য জানানো
যাচ্ছে যে মুর্শিদাবাদ জেলার অন্তর্গত বিভিন্ন
সুসংহত শিশু বিকাশ সেবা প্রকল্পে সরাসরি
অঙ্কনওয়াড়ি কর্মী ও অঙ্কনওয়াড়ি সহায়িকার
শূন্যপদ পূরণের জন্য কেবলমাত্র যোগ্যতাসম্পন্ন
মহিলাদের নিকট থেকে আবেদনপত্র / দরখাস্ত
আহ্বান করা হচ্ছে। এছাড়া বর্তমানে কর্মরত
যোগ্যতাসম্পন্ন সহায়িকাদের নিকট থেকেও
পদোন্নতির মাধ্যমে অঙ্কনওয়াড়ি কর্মী পদে
শূন্যপদ পূরণের জন্য দরখাস্ত আহ্বান করা হচ্ছে।
www.recruitmentmurshidabad.in - এই পোর্টাল/
ওয়েবসাইটের মাধ্যমে কেবলমাত্র অনলাইনে
আবেদন করতে হবে।

www.recruitmentmurshidabad.in এই
ওয়েবসাইটে ও সংশ্লিষ্ট শিশু বিকাশ সেবা প্রকল্প
আধিকারিক(CDPO) এর করণে শূন্যপদের সংখ্যা,
শর্তাবলী ইত্যাদি সম্পর্কিত বিশদ বিজ্ঞপ্তি দেখা
যাবে।

জেলা প্রকল্প আধিকারিক (সুসংহত শিশু বিকাশ
বিভাগ) মুর্শিদাবাদ

পশ্চিমবঙ্গ সরকার
শিক্ষাবিকাশ প্রকল্প আধিকারিকের করণ
সূতি-২ সুসংহত শিশু বিকাশ সেবা প্রকল্প
দফাহাট, মুর্শিদাবাদ



স্মারক সংখ্যাঃ ৩৭৯/আই সি ডি এস/সূতি -২/ডি এফ টি/এম এস ডি

তারিখঃ ০৬/১২/২০২২

বিজ্ঞপ্তি (NOTICE)

সূতি-২ সুসংহত শিশু বিকাশ সেবা প্রকল্পের অঙ্গনওয়াড়ি সহায়িকা পদ থেকে অঙ্গনওয়াড়ি কর্মী পদে পদোন্নতির জন্য কেবল মাত্র উক্ত সুসংহত শিশু বিকাশ সেবা প্রকল্পে যে সকল অঙ্গনওয়াড়ি সহায়িকা ন্যূনতম ৫(পাঁচ) বছর নিরবচ্ছিন্নভাবে উক্ত পদে কর্মরত, তাঁদের নিকট হতে নিম্নলিখিত শর্তে আবেদন পত্র আহ্বান করা হচ্ছে। এই নিযুক্তি সম্পূর্ণরূপে স্বেচ্ছাসেবামূলক। এই কাজে নিযুক্ত কর্মী কোন মতেই সরকারী কর্মী হিসেবে গণ্য হবেন না। অঙ্গনওয়াড়ি কর্মীদের সরকার অনুমোদিত হারে প্রতি মাসে সাম্মানিক ভাতা সহ অতিরিক্ত ভাতা প্রদান করা হবে। বর্তমানে অঙ্গনওয়াড়ি কর্মীদের চালু সাম্মানিক ভাতার পরিমাণ মাসিক ৪৫০০/- টাকা ও অতিরিক্ত ভাতার পরিমাণ মাসিক ৩৭৫০/- টাকা।

শূন্য পদ অনুযায়ী সংরক্ষণ বিন্যাস:

মোট শূন্য পদ	অসংরক্ষিত (UR)	তপশিলী জাতি (SC)	তপশিলী উপজাতি (ST)
৩৪	২৪	৮	২

আবশ্যিক শর্তাবলী:

ক) ন্যূনতম শিক্ষাগত যোগ্যতা: বিজ্ঞপ্তি তারিখটিকে ভিত্তি করে অঙ্গনওয়াড়ি কর্মী পদে নিয়োগের ক্ষেত্রে যে কোনো স্বীকৃত বোর্ড (Recognized Board) থেকে মাধ্যমিক বা সমতুল্য পরীক্ষায় উত্তীর্ণ হতে হবে (সাধারণ, তপশিলী জাতি, তপশিলী উপজাতি সকলের ক্ষেত্রেই প্রযোজ্য)। উচ্চতর শিক্ষাগত যোগ্যতা প্রার্থীদের ক্ষেত্রে কোন অন্তরায় হবে না, কিন্তু কোন অঙ্গনওয়াড়ি সহায়িকা যদি পূর্বে অঙ্গনওয়াড়ি সহায়িকা পদে আবেদন করার সময় নিজের শিক্ষাগত যোগ্যতা গোপন করে নিয়োগপ্রাপ্ত হয়ে থাকেন তাহলে তাঁর আবেদনপত্র বিবেচনা করা হবে না। প্রার্থীকে মৌখিক পরীক্ষার আগে এই মর্মে হলফনামা দিতে হতে পারে।

খ) বয়সঃ ০১/১/২০২২ তারিখটিকে ভিত্তি করে ৬৫ বছর বয়স পর্যন্ত, ন্যূনতম পাঁচ বছর নিরবচ্ছিন্ন সহায়িকা পদে কাজ করেছেন এমন ব্যক্তিগণ আবেদন করতে পারবেন। তবে অবসরপ্রাপ্ত ব্যক্তিগণ এক্ষেত্রে আবেদন করতে পারবেন না বা ভবিষ্যতে নিয়োগপ্রাপ্ত হবেন না।

গ) স্থায়ী বাসিন্দা সংক্রান্ত শর্তঃ স্থায়ী বাসস্থান সংক্রান্ত প্রমাণপত্র হিসাবে প্রার্থীর ভোটার কার্ড (EPIC) বিবেচনা করা হবে। যদি কোনো প্রার্থীর ভোটার কার্ড (EPIC) না থাকে, তাহলে সেই প্রার্থীর স্থায়ী বাসিন্দা হওয়ার প্রমাণপত্র হিসাবে প্রার্থীকে দেওয়া সংশ্লিষ্ট লোকসভার সদস্য/ জেলার সভাপতি/ সংশ্লিষ্ট এলাকার বিধায়ক/ জেলা শাসক/ অতিরিক্ত জেলা শাসক/ সংশ্লিষ্ট মহকুমা শাসক/ সংশ্লিষ্ট পঞ্চায়েত সমিতির সভাপতি/ সংশ্লিষ্ট সমষ্টি উন্নয়ন আধিকারিক/ সংশ্লিষ্ট গ্রাম পঞ্চায়েতের প্রধানকর্তৃক প্রদত্ত সচিত্র শংসাপত্র বিবেচিত হবে। প্রসঙ্গত, যে কোনো সফল নির্বাচিত প্রার্থীকে তাঁর পদে যোগদান করার আগে অবশ্যই তাঁর ভোটার কার্ড (EPIC) পেশ করতে হবে। অন্যথায় তাঁর নিয়োগ/ যোগদান গৃহীত/ অনুমোদিত হবে না।



Handwritten signature in green ink.

প্রার্থীকে অবশ্যই এই সুসংহত শিশুবিকাশ সেবা প্রকল্পের অন্তর্ভুক্ত এলাকার স্থায়ী বাসিন্দা হতে হবে অর্থাৎ আবেদনকারিনীকে সূতি-২ পঞ্চায়েত সমিতির অন্তর্গত যে কোন গ্রাম পঞ্চায়েতের স্থায়ী বাসিন্দা হতে হবে।

ঘ) **অভিজ্ঞতাঃ** ০১.১.২২ তারিখটিকে ভিত্তি করে প্রার্থীর অভিজ্ঞতার সময়সীমানিরূপণ করা হবে।

ঙ) **পরীক্ষাঃ** সকল আবশ্যিক শর্তপূরণের সাপেক্ষে যোগ্য আবেদনকারিণীদের পরীক্ষার মাধ্যমে নির্বাচিত করা হবে। মোট নম্বর ৫০ হবে, যার মধ্যে লিখিত পরীক্ষায় ৩৫ নম্বর, অভিজ্ঞতার ক্ষেত্রে সর্বোচ্চ ১০ নম্বর (০১.১.২২ তারিখের সাপেক্ষে ৮ (আট) বছর বা তার উর্ধে নিরবচ্ছিন্নভাবে সহায়িকা পদে কাজ করলে ৫ (পাঁচ) নম্বর এবং ১১ (এগারো) বছর বা তার উর্ধে নিরবচ্ছিন্নভাবে সহায়িকা পদে কাজ করলে ১০(দশ) নম্বর ও মৌখিক পরীক্ষায় ৫ (পাঁচ) নম্বর। এক্ষেত্রে নিয়োগের পূর্বে নিম্নস্বাক্ষরকারীর করণ থেকে প্রার্থীর কাজের অভিজ্ঞতা যাচাই করে নেওয়া হবে। যাচাই প্রক্রিয়ায় ব্যর্থ হলে সেই প্রার্থীকে অক্ষনওয়াড়ি কর্মী পদে নিয়োগ করা হবে না।

লিখিত পরীক্ষার পাঠ্যক্রম নিম্নরূপঃ

- ১) পাটিগণিত (অষ্টম শ্রেণীর মানের)- ১০ (দশ) নম্বর
- ২) পুষ্টি, জনস্বাস্থ্য, নারীর সামাজিক অবস্থান বিষয়ক প্রশ্নঃ ১০ (দশ) নম্বর
- ৩) ইংরেজি ভাষাঃ ১০ (দশ) নম্বর
- ৪) সাধারণ জ্ঞানের প্রশ্নঃ ০৫ (পাঁচ) নম্বর

ইংরাজী ব্যতীত বাকি সকল প্রশ্ন বাংলায় হবে। সকল প্রশ্ন হবে মাল্টিপল চয়েস ধরনের। লিখিত পরীক্ষা হবে ১(এক ঘণ্টার)। লিখিত পরীক্ষার ক্ষেত্রে কোনরূপ ন্যূনতম যোগ্যতা নির্ধারক নম্বর থাকবে না। লিখিত পরীক্ষা বা মৌখিক পরীক্ষায় অনুপস্থিত থাকলে সেই প্রার্থী অযোগ্য বলে বিবেচিত হবে। লিখিত পরীক্ষায় প্রাপ্ত ও মৌখিক পরীক্ষায় প্রাপ্ত ও অভিজ্ঞতার নিরিখে (Weightage of Seniority) প্রাপ্ত মোট নম্বরের ভিত্তিতে চূড়ান্ত মেধাতালিকা প্রস্তুত করা হবে। লিখিত পরীক্ষার ও মৌখিক পরীক্ষার তারিখ প্রবেশ পত্রের (Admit Card) মাধ্যমে প্রার্থীদের জানানো হবে। প্রবেশ পত্র প্রার্থীকে নিজেই নির্ধারিত সময় সীমার মধ্যে ওয়েবসাইট/ পোর্টাল থেকে ডাউনলোড করে রঙিন প্রিন্ট আউট নিতে হবে। এক্ষেত্রে প্রার্থীকে কোনপ্রকার প্রবেশ পত্র (Admit Card) ই-মেল বা ডাকযোগে বা সরাসরি হাতে-হাতে পাঠানো হবে না। আবেদনকারী প্রার্থী লিখিত পরীক্ষায় উপস্থিত হলে তবেই তাঁকে মৌখিক পরীক্ষায় ডাকা হবে।

চ) **সংরক্ষণ সংক্রান্ত শর্তাবলীঃ** সংরক্ষিত পদের প্রার্থীদের ক্ষেত্রে নির্দিষ্ট শংসাপত্র উপযুক্ত কর্তৃপক্ষ দ্বারা প্রদত্ত হতে হবে। মৌখিক পরীক্ষার পূর্বে শংসাপত্রের আসল দাখিল করতে হবে। শংসাপত্রের জন্য আবেদন জমা দেওয়ার রসিদ গ্রাহ্য করা হবে না। মৌখিক পরীক্ষার পূর্বে সংরক্ষণ সংক্রান্ত উপযুক্ত নথি জমা না করা হলে ঐ প্রার্থীকে অসংরক্ষিত পদের জন্য বিবেচিত করা হবে (অন্যান্য যোগ্যতামান সঠিক থাকলে)।

পশ্চিমবঙ্গের বাইরে থেকে জারি হওয়া তপশিলী জাতি/ তপশিলী উপজাতি শংসাপত্র এক্ষেত্রে গ্রাহ্য হবে না।

তপশিলী জাতি/তপশিলী উপজাতি সংশ্লিষ্ট প্রার্থীর কোলকাতা ব্যতীত বাকি পশ্চিমবঙ্গের ক্ষেত্রে মহকুমাশাসক কর্তৃক জারি হওয়া শংসাপত্রই একমাত্র গ্রাহ্য হবে। এক্ষেত্রে অন্য কোনপ্রকার শংসাপত্র গ্রাহ্য করা হবে না। কোলকাতা থেকে জারি হওয়া শংসাপত্রের ক্ষেত্রে জেলাশাসক, দক্ষিণ ২৪-পরগনা বা দায়িত্বপ্রাপ্ত অতিরিক্ত জেলাশাসক, দক্ষিণ ২৪-পরগনা বা জেলা কল্যাণ আধিকারিক, কোলকাতা (District Welfare Officer, Kolkata) ব্যতীত অন্য কোন প্রকারে জারি হওয়া শংসাপত্র গ্রাহ্য করা হবে না।

ছ) **আবেদন সংক্রান্ত শর্তাবলী ও আবেদন পত্র জমা করার সময় সীমাঃ** আবেদনকারিণীদের নিম্নলিখিত ওয়েবসাইটের মাধ্যমে অনলাইনে আবেদন জমা করতে হবে।

ওয়েবসাইটঃ www.recruitmentmurshidabad.in

আবেদন করা শুরু তারিখঃ ১০/১২/২০২২ বেলা ১১টা থেকে

আবেদন করার শেষ তারিখঃ ০৭/০১/২০২৩ রাত্রে ১২টা পর্যন্ত



অনলাইন দরখাস্ত করার সময়ে শুধুমাত্র নিম্নলিখিত প্রমাণপত্র সমূহের স্ক্যান কপি ওয়েবসাইটে আপলোড করতে হবেঃ

- ১) সাম্প্রতিক সময়ে (আবেদন করার তারিখ থেকে ছয় মাস পূর্বের সময়ের মধ্যে) তোলা প্রার্থী তথা আবেদনকারিণীর রঙিন পাশপোর্ট মাপের ছবি (২৫ কিলোবাইট থেকে ৫০ কিলোবাইট)
- ২) নীল/ কালো কালিতে আবেদনকারিণীর নামের সম্পূর্ণ সই/ স্বাক্ষর আপলোড করতে হবে (১০ কিলোবাইট থেকে ২০ কিলোবাইট)

জ) সঠিক দরখাস্তকারীদের তালিকা ও বাতিল দরখাস্তকারীদের তালিকা উপরোক্ত ওয়েবসাইট/ পোর্টালেই ১৪/০১/২০২৩ তারিখ থেকে দেখা যাবে। সঠিক প্রার্থীদের সচিত্র প্রবেশপত্র (Admit Card) ডাউনলোড করা যাবে ১৪/০১/২০২৩ তারিখ বেলা ১১ টা থেকে ২২/০১/২০২৩ তারিখ বেলা ১২ টা পর্যন্ত। পরীক্ষা কেন্দ্রে সঠিক প্রার্থীদের সচিত্র প্রবেশপত্রের (Admit Card) রঙিন প্রিন্ট আউট সঙ্গে করে আনতে হবে। অন্যথায় তাঁদের পরীক্ষায় বসতে দেওয়া হবে না।

লিখিত পরীক্ষার তারিখ ২২/০১/২০২৩ বেলা ১২ টা থেকে ১ টা (পরীক্ষার তারিখ ও সময় পরিবর্তনযোগ্য- সেক্ষেত্রে উপরোক্ত ওয়েবসাইট/পোর্টাল-এই সেই তথ্য বিজ্ঞপ্তি আকারে জানানো হবে)।

বিঃ দ্রঃ

(১) প্রার্থী আবেদনকারিণীর সচিত্র ভোটার কার্ড থাকা বাধ্যতামূলক অন্যথায় প্রার্থীর (যাঁর ভোটার কার্ড EPIC নেই) স্থায়ী বাসিন্দা হওয়ার প্রমাণপত্র হিসেবে প্রার্থীকে দেওয়া সংশ্লিষ্ট লোকসভার সদস্য/ জেলার সভাপতি/ সংশ্লিষ্ট এলাকার বিধায়ক/ জেলা শাসক/ অতিরিক্ত জেলা শাসক/ সংশ্লিষ্ট মহকুমা শাসক/ সংশ্লিষ্ট পঞ্চায়েত সমিতির সভাপতি/ সংশ্লিষ্ট সমষ্টি উন্নয়ন আধিকারিক/ সংশ্লিষ্ট গ্রাম পঞ্চায়েতের প্রধান কর্তৃক প্রদত্ত সচিত্র শংসাপত্র থাকা বাধ্যতামূলক। আবেদনপত্র দাখিল করার সময়ে এই দু'টির যে কোন একটি সংক্রান্ত তথ্য দেওয়া বাধ্যতামূলক। পরীক্ষার দিনে এই দু'টির মধ্যে যেটির তথ্য জমা করা হয়েছে সেটির আসল (Original) পরীক্ষাকেন্দ্রে নিয়ে আসতে হবে। এটি ছাড়াও ডাউনলোড করা রঙিন সচিত্র প্রবেশপত্র (Admit Card) নিয়ে তাঁকে পরীক্ষাকেন্দ্রে আসতে হবে। অন্যথায় তিনি পরীক্ষায় বসতে পারবেন না।

(২) আবেদনপত্র দাখিল (আপলোড) করার সময়ে প্রার্থীকে রঙিন পাশপোর্ট মাপের (সাইজের) ছবি আপলোড করতে হবে। এই ছবি আবেদনপত্র দাখিল (আপলোড) করার তারিখ থেকে ৬(ছয়) মাসের বেশি পুরোনো হলে চলবে না। এই ছবির অন্তত ৩(তিন)টি কপি প্রার্থীর নিজস্ব নিরাপদ হেফাজতে রাখতে হবে যা পরে চাওয়া হতে পারে। এই পাশপোর্ট মাপের (সাইজের) ছবির পশ্চাতভাগ (Background) সাদা বা সাদাটে হতে হবে। ছবিতে প্রার্থীর মুখ সরাসরি সামনের দিকে থাকতে হবে। প্রার্থীর মুখে কোনপ্রকার ছায়া এসে পড়লে চলবে না। ধর্মীয় কারণে আবেদনকারিণীর মাথায় আচ্ছাদন থাকতে পারে, কিন্তু সেক্ষেত্রে তাঁর মুখের দুই পাশ-বামদিক ও ডানদিক এবং উপর-নিচ অর্থাৎ চিবুক (খুতনি) থেকে কপালের উপরিভাগ অবধি অংশ আচ্ছাদনমুক্ত ও স্পষ্ট দৃশ্যমান থাকতে হবে। চোখে চশমা থাকতে পারে কিন্তু সেক্ষেত্রে প্রার্থীর চোখ স্পষ্ট দৃশ্যমান হতে হবে (যাঁরা চোখে দেখতে পান না, সেইসব প্রতিবন্ধী প্রার্থীর ক্ষেত্রে উপযুক্ত শংসাপত্র থাকলে এই শর্ত শিথিলযোগ্য)। তাছাড়া কালো চশমা, টুপি, ইত্যাদি পরে ছবি তুললে তা গ্রহণযোগ্য হবে না।

(৩) প্রার্থী তথা পরীক্ষার্থীকে পরীক্ষাকেন্দ্রে নীল বা কালো ডট পেন নিজেই আনতে হবে। কালির পেনে পরীক্ষা দেওয়া যাবে না।

(৪) যেমন সম্পূর্ণ সই আবেদন করার সময়ে দাখিল অর্থাৎ আপলোড করা হচ্ছে, অনুরূপ সই পরীক্ষার হলে তাঁকে করতে হবে। পরীক্ষাকেন্দ্রে আগত প্রার্থীর সই দাখিল/আপলোড করা সইয়ের সঙ্গে না মিললে বা সই দেখে সন্দেহ হলে সেই প্রার্থীকে পরীক্ষাকেন্দ্রের আধিকারিক পরীক্ষায় বসা থেকে বিরত করতে পারবেন। তাঁর সিদ্ধান্তই চূড়ান্ত বলে গণ্য করা হবে।

(৫) যে ওয়েবসাইটে/পোর্টালে আবেদন দাখিল/আপলোড করা হচ্ছে, সেখান থেকেই প্রবেশপত্র (অ্যাডমিট কার্ড) ডাউনলোড করে রঙিন প্রিন্ট করে নিতে হবে। সেখানেই লিখিত পরীক্ষার কেন্দ্র, সময়, সংক্ষিপ্ত নিয়মাবলী, ইত্যাদি সম্পর্কিত সকল তথ্য থাকবে।

(৬) **অনুলেখক (Scribe)**- যে সকল প্রতিবন্ধী প্রার্থীদের লেখার ক্ষেত্রে প্রয়োজনীয় সক্ষমতার অভাব আছে, তাঁরা প্রয়োজনে অনুলেখকের (Scribe) সহায়তা নিতে পারেন। তবে সেক্ষেত্রে আবেদনপত্র দাখিল করার সময়েই সেই সংক্রান্ত তথ্য ওয়েবসাইটে/পোর্টালে আপলোড করতে হবে। আবেদন করার সময় উত্তীর্ণ হয়ে গেলে কোনভাবেই আর তাঁরা অনুলেখক



সংক্রান্ত তথ্য জমা করতে পারবেন না এবং পরীক্ষাকেন্দ্রে অনুলেখকের সহায়তা পাওয়ার উপযুক্ত হিসেবে বিবেচিত হবেন না। অজনওয়াড়ি কর্মীপদে আবেদনকারিণী প্রতিবন্ধী প্রার্থী নবম শ্রেণীতে পাঠরত কোন ছাত্রীকে বা নিম্নতর যোগ্যতার কোন মহিলাকে অনুলেখক (Scribe) হিসেবে নথিভুক্ত করতে পারবেন। পরীক্ষার আগে অনুলেখক সংক্রান্ত হলফনামা নির্দিষ্ট ফর্মে পরীক্ষাকেন্দ্রে জমা করতে হবে। এই ফর্ম পরীক্ষাকেন্দ্রের দায়িত্বপ্রাপ্ত আধিকারিকের কাছে পাওয়া যাবে। পশ্চিমবঙ্গের কোন জেলার মুখ্য স্বাস্থ্য আধিকারিক বা পশ্চিমবঙ্গের কোন সরকারী সাহায্যপ্রাপ্ত হাসপাতাল বা চিকিৎসাকেন্দ্রের স্বাস্থ্য অধ্যক্ষের (Medical Superintendent) স্বাক্ষরিত প্রার্থীর প্রতিবন্ধকতাজনিত শংসাপত্র অ্যাপেন্ডিক্স-১ (Appendix-I) পরীক্ষাকেন্দ্রের দায়িত্বপ্রাপ্ত আধিকারিকের কাছে জমা করতে হবে। এই অ্যাপেন্ডিক্স-১ (Appendix-I) ফর্ম ওয়েবসাইটে/পোর্টালে দেওয়া থাকবে। অনুলেখকের (Scribe) সাহায্য নেওয়া ব্যক্তি প্রতি ঘণ্টায় ২০ মিনিটের জন্য ক্ষতিপূরক (Compensatory) সময় পাবেন অর্থাৎ তাঁর ক্ষেত্রে লিখিত পরীক্ষা হবে ১(এক)ঘণ্টা ২০(কুড়ি) মিনিটের। কোন একজন প্রার্থী একজনের বেশি অনুলেখকের (Scribe) সহায়তা নিতে পারবেন না।

মৌখিক পরীক্ষার পূর্বে নিম্নলিখিত নথি বা প্রমাণপত্রের আসল দাখিল করতে হবে ও স্ব-প্রত্যয়িত প্রতিলিপি জমা করতে হবেঃ

- ১) আবেদনপত্র দাখিল (আপলোড) করার সময়ে যে ভোটার কার্ড (EPIC) সম্পর্কিত তথ্য জমা করা হয়েছে, তার প্রতিলিপি
- ২) জন্ম তারিখের প্রমাণপত্র- মাধ্যমিক বা স্বীকৃত বোর্ডের সমতুল্য পরীক্ষার নিবন্ধীকরণ (রেজিস্ট্রেশন)/ পাশ শংসাপত্র/ প্রবেশ পত্র (অ্যাডমিট কার্ড)
- ৩) জাতীগত শংসাপত্র (প্রযোজ্য হলে)
- ৪) শিক্ষাগত যোগ্যতার প্রমাণপত্র
- ৫) স্থায়ী বাসিন্দার সচিত্র শংসাপত্র (আসল অর্থাৎ মূল নথি জমা দিতে হবে)
- ৬) আবেদনকারিণীর সহায়িকা পদে যোগদানের নিয়োগপত্রের স্বপ্রত্যয়িত নকল

বিঃ দ্রঃ

- কোন ভুল বা অসঙ্গত তথ্য দিলে বা উপরোক্ত কোন আবশ্যিক শর্ত লঙ্ঘন করলে আবেদন পত্র বাতিল বলে গণ্য করা হবে এবং এ বিষয়ে কোন কারণ দর্শানো হবে না।
- পরীক্ষা কেন্দ্রে উপস্থিত হওয়ার জন্য কোনরূপ গাড়ী ভাড়া বা অপর কোন খরচ প্রকল্প কার্যালয় বহন করবে না।
- যদি প্রমাণিত হয় কোন প্রার্থী তাঁর নিয়োগের ক্ষেত্রে কোনরূপ প্রভাব বিস্তার করেছেন বা অসাধু উপায় অবলম্বন করেছেন, তাহলে কর্তৃপক্ষ তাঁর প্রার্থীপদ বাতিল করবেন। এ বিষয়ে কোন কারণ দর্শানো হবে না।
- যে কোন বিষয়ে বিতর্কের ক্ষেত্রে নিয়োগকারী কর্তৃপক্ষের সিদ্ধান্তই চূড়ান্ত বলে বিবেচ্য হবে। সেক্ষেত্রে কোন প্রার্থীকে তার প্রার্থীপদ বাতিল করার ক্ষেত্রে চূড়ান্ত সিদ্ধান্ত কর্তৃপক্ষই নিতে পারবেন।
- অনলাইনে নির্দিষ্ট ওয়েবসাইটে/পোর্টালে নির্দিষ্টভাবে আবেদন করা ছাড়া আর কোনভাবেই আবেদন করা যাবে না। সকল তথ্য যথাযথভাবে দাখিল (Upload) করতে হবে অন্যথায় আবেদন বাতিল হতে পারে।
- নিয়োজিত হলে প্রবীণত্ব (Seniority), নিয়োগের শর্ত, বদলি, ইত্যাদি ক্ষেত্রে নিয়োগকারী কর্তৃপক্ষের সিদ্ধান্তই চূড়ান্ত বলে বিবেচিত হবে।
- বিজ্ঞপ্তির বা ওয়েবসাইটের (পোর্টালের) লিখিত তথ্য খুঁটিয়ে পড়ে তবেই আবেদন করবেন অন্যথায় আবেদনপত্রে ভুল থাকতে পারে। ভুল আবেদনপত্র বাতিল হবে। এজন্য কর্তৃপক্ষ কোনভাবেই দায়ী থাকবে না।



শিশু বিকাশ প্রকল্প আধিকারিক

সূতি-২ সুসংহত শিশু বিকাশ সেবা প্রকল্প

মুর্শিদাবাদ





জ্ঞাতার্থে ও ব্যাপক প্রচারের উদ্দেশ্যে সংশ্লিষ্ট কার্যালয়ের নোটিশ বোর্ডে প্রদর্শনের অনুরোধসহ প্রতিলিপি প্রেরণ করা হলঃ

- ১) মাননীয় অধিকর্তা, সুসংহত শিশু বিকাশ সেবা প্রকল্প, (Director of ICDS) ,পশ্চিমবঙ্গ সরকার, শৈশালি ভবন, সেন্ট লেক , কোলকাতা- ৬৪.
- ২) মাননীয় অতিরিক্ত সচিব (Additional Secretary) পশ্চিমবঙ্গ সরকার, নারী ও শিশু উন্নয়ন ও সমাজ কল্যাণ বিভাগ, বিকাশ ভবন, কলকাতা ৯১.
- ৩) মাননীয় জেলা শাসক ও সভাপতি, ডি.এল.এস.এম.সি, মুর্শিদাবাদ
- ৪) মাননীয় জাকির হোসেন, বিধায়ক ও সহ-সভাপতি, ডি.এল.এস.এম.সি, মুর্শিদাবাদ
- ৫) মাননীয়, নিয়ামত আলি সেখ, বিধায়ক ও সদস্য, ডি.এল.এস.এম.সি, মুর্শিদাবাদ
- ৬) মাননীয় মহকুমা শাসক, জঙ্গিপুর মহকুমা ও সদস্য, ডি.এল.এস.এম.সি, মুর্শিদাবাদ
- ৭) মাননীয় জেলা প্রকল্প আধিকারিক (আই.সি.ডি.এস.) ও সদস্য, ডি.এল.এস.এম.সি, মুর্শিদাবাদ
- ৮) মাননীয় সমষ্টি উন্নয়ন আধিকারিক, সূতি-২ ব্লক ও সদস্য, ডি.এল.এস.এম.সি, মুর্শিদাবাদ।
- ৯) মাননীয় সমষ্টি স্বাস্থ্য আধিকারিক, সূতি-২ ব্লক ও সদস্য, ডি.এল.এস.এম.সি, মুর্শিদাবাদ
- ১০) মাননীয় সভাপতি, সূতি-২ পঞ্চগয়েত সমিতি, মুর্শিদাবাদ
- ১১) মাননীয় সমষ্টি ভূমি ও ভূমি সংস্কার আধিকারিক, সূতি-২ ব্লক, মুর্শিদাবাদ
- ১২) মাননীয় অবর বিদ্যালয় পরিদর্শক (প্রাথমিক), সূতি-২ চক্র, মুর্শিদাবাদ
- ১৩) মাননীয় সহ কৃষি অধিকর্তা, সূতি-২ ব্লক, মুর্শিদাবাদ
- ১৪) মাননীয় পোস্ট মাস্টার, সূতি ডাকঘর, মুর্শিদাবাদ
- ১৫-২৪) মাননীয় প্রধান, কাশিমনগর/ জগতাই-১/ জগতাই-২/ লক্ষ্মীপুর/ বাজিতপুর/ মহেশাইল-১/ মহেশাইল-২/ অরাজাবাদ-১/ অরাজাবাদ-২/ উমরাপুর গ্রাম পঞ্চগয়েত, মুর্শিদাবাদ
- ২৫) কার্যালয়ের প্রতিলিপি



শিশু বিকাশ প্রকল্প আধিকারিক
সূতি-২ সুসংহত শিশু বিকাশ সেবা প্রকল্প
মুর্শিদাবাদ



Enclosed:

Memo No-379/1 CD S/SU II-2/DFT/MSD dated-05/12/2022



APPENDIX-I

CERTIFICATE REGARDING PHYSICAL LIMITATION IN AN EXAMINEE TO WRITE

This is to certify that, I have examined Mr/Ms/Mrs _____ (name of the candidate with disability), a person with _____ (nature and percentage of disability as mentioned in the certificate of disability), S/o/D/o _____ a resident of _____ (Village/District/State) and to state that he/she has physical limitation which hampers his/her writing capabilities owing to his/her disability.

Signature

Chief Medical Officer/Medical Superintendent of a Government health care institution

Name & Designation.

Name of Government Hospital/Health Care Centre with Seal

Place:

Date:

Note:

Certificate should be given by a specialist of the relevant stream/disability

(e.g. Visual impairment-Ophthalmologist, Locomotor disability – Orthopaedic specialist/PMR).



Grach.

CERTIFICATE REGARDING PHYSICAL LIMITATION IN AN EXAMINEE TO WRITE

This is to certify that, I have examined Mr/Ms/Mrs _____ (name of the candidate with disability), a person with _____ (nature and percentage of disability as mentioned in the certificate of disability), S/o/D/o _____ a resident of _____ (Village/District/State) and to state that he/she has physical limitation which hampers his/her writing capabilities owing to his/her disability.

Signature

Chief Medical Officer/Medical Superintendent of a Government health care institution

Name & Designation.

Name of Government Hospital/Health Care Centre with Seal

Place:

Date:

Note:

Certificate should be given by a specialist of the relevant stream/disability

(e.g. Visual impairment-Ophthalmologist, Locomotor disability – Orthopaedic specialist/PMR).